

**Meeqqat, inuusuttut ilaqtariillu  
qitiutillugit, ilaqtariinnut  
siunnersortitut ilinniartitaaneq  
Nuuk 2025-2026**



## **Siunertaq atuagarsornikkullu tunngavigisaq.**

Meeqqanut, inuusuttunut ilaqutariinnullu ajornartorsiuteqalersimasunut iliuuserisanik nukittorsaanissaq, ilinniartitaanerup siunertaraa. Ajornartorsiutit taamaattut sunniutaat assigiinngitsorpassuarnik/ assigiinngitsorpassuartigullu ersiuteqarsinnaasarput. Meeqqat ulluunerani paaqqinniffinni atuarfimmilu pissusilersornerisigut, angajoqqaat sulineranni attaveqarfinnilu tamanna takuneqarsinnaasarpoq. Sunniutaasut ilaatigut aamma timikkut tarnikkullu nappaatit ersiuteqarsinnaasarput.

Ilinniartitaanermi matumani, meeqqanik ilaqutariinnillu, inuunerminni ajornartorsiuteqartunik sullissinissamut atuagarsornermi sulinermilu atorneqarsinnaasunik ilisimasaqalerlutillu piginnaaneqalissaatit.

Ilinniartitaaneq suliffinni suliannik aallaaveqartillugu aaqqissugaavoq. Imaassinnaavoq paaqqinniffiit arlaanni-, atuarfimmi-, ilaqutariinnik sullissivimmi-, Peqqinnissaqarfimmi assigisaanniluunniit, naapitsiffigisartakkanni imal. meeqqanik-, angajoqqaanik- ilaqutariinnillu sullissisuusutit. Modulini ilisimasassanik periutsinillu, ingerlaannaq suliffinni misilissinnaallugillu atorsinnaasannik ilinniassaatit. Ilinniarnert naammassippat paasisimasaqarnerulersimassaatit nutaanillu- qanoq ilaqutariinnik sanngiiffeqartunik tapersersuisoqarsinnaaneranik nukittorsaasoqarsinnaaneranillu ilisimasaqalissallutit.

Ilinniartitaanerup atuagarsornikkut tunngavigisai pingaarnertut tassaapput inoqatit pissusilersuutaannik paasinnissinnaaneq, inoqatinut attaveqarneq inuullu nammineq avatangiisaasalu oqaluttuassartaat.

Ilinniaritaanermi matumani oqaluttuassartamit isiginninneq, oqaluttuat aqqutigalugit inuunerup isumaqalersarneranik, maanna takusanit allaasunik - oqaluttuarineqarsinnaasunik amerlanerusunik oqaluttuaqartarneranik paasinninnermik nassataqarpoq. Oqaluttuami tunngaviumik isuma tassaavoq, ajornartorsiutip ajornartorsiutaanera, inuillu kinaassusaasa oqaluttuanit ajornartorsiutinik ulikkaartunit nassuiaanneqarsinnaannginnerat, aammali inuunerisimasamik misilittakkanillu, suli isumalerneranngitsunik nassuiarneqarsinnaanerat. Aaqqiissutissat akissutissallu oqaluttuarerusuttakkaniinnerat, taakkulu saqqummiunnerisigut, inuunerminni iliuusissanik nutaanik nassaartoqarsinnaanissaa, oqaluttuanik tunngaveqarnerup upperaa.

Meeqqap nalerisimaarnissaanut peroriartornissaanullu periarfissanik pitsaanerpaanik pilersitsinissamut ilaqtariinnik tapersersuiniarutta, suut qaratsami misigissutsinik inerisaasarnerisa ilisimanissaat pingaaruteqarpoq. Tunguiisunik tapersersuisunik sunniivigeqatigiinnikkut attavigiinnikkullu, malussarniutiminik, misigissutsiminik, eqqarsartaatsiminik misigittassutsiminillu inerisaanissamut, meeraq periarfissinneqassaaq, taamaammallu tunguiisuni, inoqatit pissusilersuutaannik paasinnissinnaaneq, meeqqap misigissutsikkut nammineersinnaassutsikkullu piginnaasaanik inerisaanissap qanoq siuarsarneqarnissaanut kajumissaarinissamullu pingaaruteqarpoq.

Inoqatit pissusilersuutaannik paasinnissinnaaneq taanna, ilinniagaqartugut misissuinissamut ikorfartuinissamullu assigiinngitsunik periuseqartariaqarpugut. Taamaammat tamatumunnga sakkussat ilinniartitaanermi saqqummiunneqassapput.

Ilinniartitaanermi sammissavaguttaaqqattaveqarneq tunngavigalugu sianiuteqarfiillu misigissutsinut tunngasut inerinnerat, meeqqat angajoqqaallu qisuariaataasa pissusilersornerisalu paasinissaat. Qaratsap ataasiullunilu pingasuunera immikkoortullu assigiinngitsut pingasut; timip inummit namminermit aalajangiivigineqarsinnaanera, qaratsami immikkoortoq misigissutitsinnik, eqqaamasinnaassutsitsinnik pissusilersornitsinnillu aqutsisoq, qaallu nalaani qaratsap immikkoortua kinaassutsimik aalajangiisinnaanermik inooqataanermilu naleqqussarnermik takutitsissoq sammissavagut. Sulinermit assigiinngitsunik taakkunanga siumuisinnaaneq taakkunnungalu atassuseeqataasinnaaneq, meeqqat allanik attaveqarnerannut angajoqqaallu meeqqanik naapitsinerannut annertuumik iluaqutaasinnaammat, paasinnilersitsillutalu ilisimasaqalersitsissaagut. Attaveqarsinnaaneq kingornuttagaavoq, avatangiisitsinilli, sunnerneqarnermit, kulturimit oqaluttuarisaanermiillu ilusilerneqartarluni. Taamaammat kalaallit kulturiat ilinniartitaanerup aqqjissuunneqarnerani toqqammavigisamilu pingaarutilerujussuuvoq.

## **Ilinniartitaanerp aqqjissuussaanaera pillugu nassuiaat**

Ilinniartitaaneq modulinik sisamanik- tamarmik immikkut ullunik sisamanik sivissuseqartunik- immikkoortoqarpoq. Ullut tamarmik nal. 9-16 atuartitsiviussapput. Moduli akornanni ilinniartoq ullup affaa (nal. ak. pingasut) ilinniaqatiminik/studiegruppe

naapeqateqartassaaq, tamatumalu saniatigut holdi ilinniartitsisorisartagarlu peqatigalugit internetsikkut video atorlugu ataatsimiinnerni peqataasassalluni.



## Moduli siulleq

25.-28. november 2025

**Peroriartorneq, attaveqarneq inoqatillu pissusilersuutaannik paasinnissinnaaneq**

Modulimi siullermi tassani, ilinniartitaanermi toqqissinartumik allanullu isertuussamik aallaveqarnissaq ukkanneqassaaq. Holdimi immissinnut ilisarinissarsi, oqaluttuat pingaarutillit ilaannik, ilissinnik kinaassusersisitseqataasussanik paarlaasseqatigiissinnaanissarsi sammissavarput.

Inuup tarnikkut ineriartorneranut tunngasunik pingaarnernik saqqummiivigineqassaait, timimut, tarnimut kulturimullu tunngasut meeqqat ineriartornerannut qanoq

sunniuteqarsinnaanerat paasiniassavarput.

Misigissutsikkut nalimmassarnej, isitsinnik nipitsinnillu misigisutsumik paasinninnermik takutitsineq tigusiernerunngitsoq, ajungitsumik pineqarniartutut tunngaviumik misigineq, silarsuarmik ilinnillu ilisimanninneq misigittassuseqartumik ilinniartitsissutiginiarneqartoq, taamaammallu toqqissillutit akuerisinnaasat pillugu saqqummiivigineqassaattitaaq. Naapinnerit meeqqap attaveqalernissaanut qanoq pingaaruteqarsinnaatiginerat, uagullu ilaqutariinnut siunnersortitut, angajoqqaat meeqqaminnik paasinnissinnaanerannik naapitsisinnaanissaannillu, kiisalu uagut nammineq angajoqqaat ajornartorsiorpata neriuutaasinnaanitsigut nukittorsaaqataasinnaanerput paasiniassavarput.

Qarasaq ataasiullunilu pingasuusoq immikkoortullu pingasut; timip inummit namminermit aalajangiivigineqarsinnaanera, qaratsami immikkoortoq misigissutitsinnik, eqqaamasinnaassutsitsinnik pissusilersornitsinnillu aqutsisoq, kiisalu qaap nalaani qaratsap immikkoortua kinaassutsumik aalajangiisinnaanermik inooqataanermilu naleqqussarnermik takutitsissoq sammissavagut.

Inoqatit pissusilersuutaannik paasinnissinnaaneq modulimi tassani saqummiunneqassaag nassuiarneqarlunilu. Tamatuma allanngorarnera annertussusaalu malugissavatit- sunalu pillugu qanorlu ililluni meeqqanik, inuusuttunik ilaqutariinnillu sullissinermi pingaarutilimmik tunngavissisinnaanera malugalugu.

Moduli tamakkerlugu, suliffinni suliannut atatillugu sungiusarnej modellillu aqqutigalugit atuagarsornertaa ilanngunneqassaag ilinniartitsinerlu suliffinni suliannut assersuullugu.

## **Modulit aappaat**

**26.-29. januar 2026**

### **Inuunerup oqaluttuassartai nalaatallu anigoruminaatsut oqaluttuamit isigalugit**

Modulimi tassani oqaluttuat pillugit isumaliutersuut periutsillu pillugit saqqummiivigineqassaattit. Oqaluttuat ilaat aalajangiussisitsisinnaallutillu killiliisinnaapput, allalli aniguisitsisinnaapput ineriartuutaasinnaallutillu. Illit ilinniaqativillu oqaluttuamat aallaavigalugit, "ajornartorsiutit pillugit oqaluttuat" "oqaluttuannaallu" sammissavagut. Ajornartorsiutip inuttaanit avissaartinneqarneranut tunngatillugu oqaluttuarnej, Michael White-ip oqaasianik ilisimaneqarluartumik issuaanikkut: "Inuttaa ajornartorsiutaanani

ajornartorsiut ajornartorsiutaavoq” oqaatigineqarsinnaasoq sammissavarputtaa. Ajornartorsiutip inuttaanit avissaartillugu oqalunnikkut, ajornartorsiut inuttaalu immikkoortissavagut. Oqaluttuariaaseq Inuunerup Orpia sammissavarputtaa. Taanna periusaavoq meeqqanut, inersimasunut ilaqutariinnullu atorneqarsinnaasoq, oqaluttuanik allanngorartitsisinnaasoq; oqaluttuanik, neriuutinik takorluukkanillu saqqummersitsisinnaasoq, taamaalillunilu inuunermi isumalinnut inuit ataasiakkaat imal. ilaqutariit attaveqalersillugit.

Ilaqutariinni sumiginnagaalluni inuunerup meeqqamut qanoq isumaqarsinnaanera modulimi sammissavarputtaa.

Ilinniagallit sammisani taakkunani qanoq oqaasinngueqataasinnaanerat, nalinginnaasumillu sulinermi qanoq sulissutigineqarsinnaanerat sammissavarput.

Inuunermi sakkortuunik nalaataqarsimaneq ullumikkumut takussutissartaqarsinnaavoq. Nalaassimasaq anigoruminaatsoq saqqummiunneqanngitsoq kinguaariinni ingerlaarsinnaammat, ataatsimut isiginnilluni iliuuseqarnissamik eqqarsarnek pingaaruteqassaaq. Aarlerinartuerunneranik sumilu akuuneranik timip qanoq ilinniartissinnaanera, modulimi sammineqassaaq. Timip tamanna ilikkanngippagu, angajoqqaat namminnek misigisaminnik anigoruminaatsunik meeqqaminnut ingerlatitseqqiisinnaanerat annertuumik aarlerinaateqarpoq. Periutsinik assigiinngitsunik nalaatap anigoruminaatsup sunniutaasa sularinissaannut atorneqarsinnaasunik, modulimi saqqummiussivigineqassaasi.

## **Modulit pingajuat:**

### **3. -7. maj 2026**

#### **Ilinniakkat akimorlugit suleqatigiinneq meeqqallu ersiutaat paaseqqusut.**

Meeqqat inuusuttullu- peqarniissinnaaneranni paasiuminaassinnaanerannilu, ikiuukkumatuutut qanoq isigisinnaanerat, modulimi matumani sammissavarput.

Pissusilersornerisa- pisarialinnik oqaloqatigiittoqartariaqarlunilu ingerlatsisoqartariaqarnera, uagullu ilinniagalittut tamatuminnga paasinninnissarput-takutippaat.

Meeqqanik inuusuttunillu- eqqugaasutut allallu qanigisaasutut immikkoortiterinerup-alapernaannissarput akornuserarmagu, qanoq avaqqussinnaanissaa, modulimi sammineqarpoq. Suleqatigiinnissamik tamanut isumaqatigiissuteqartariaqarpugut,

ajornanngippat meeqqat inuusuttullu peroriartorfii akimorlugit- minnerunngitsumillu ersiutininik katsorsaaneq qimattariaqarparput.

Modulimi tassani sammissavarput qanoq ililluni ilinniagalittut inuunermik soorlu ima apeqquteqarfisatsinnik pilersitsisinnaanerput:

Meeqqat ersiutaat sumut akissutappat? Qanoq ilillutik ajornartorsiutitallit pitsaanerpaasorinarsisimappat? Suut tamatuminnaga attassissuuppat? Suna kinalu meeqqat akisussaaffigaat? Meeqqat pissusilersornermikkut avatangiisiminnut qanoq ilioqqusippat– qanorlu nutaamik ammassumik pingaarutilimmillu allatut eqqarsalersitsisumik akissaagut?

### **Modulit sisamaat:**

**17.-20. august 2026**

### **Soraarummeernissamik ukkassineq, naliliinani nersuinanilu oqaluttuamik maluginiaanermik imminullu tungiornermik sammisaqarneq**

Modulimi tassani naliliinani nersuinanilu oqaluttuamik maluginiaanermik saqqummiivigineqassaasi. Inuit tamarmik takuneqarnissaq naapinneqarnissarlu pisariaqartippaat, meeqqatullu angajoqqaani ajornartorsiutilinni peroriartoraanni, tamanna ilaatigut ajornakusoorsinnasarpog. Taamaammat meeqqap ulluinnarni takuneqarnissaata, naapinneqarnissaata paasineqarnissaatalu ajornarunnaarsinnissaa ilinniagalittut suliaassaraarput. Taamaammat meeqqanik ilaqtariinnillu sullitannik naapitsernermi imal. ilinniagalittut inuuninni naapitakkannik qanoq ulluinnarni naliliinani nersuinanilu oqaluttuamik maluginiaasoqarsinnaanerani saqqummiivigineqassaait.

Ilinniagalittut inuuninni imminut tungiorsinnaanissat sammerusupparputtaa. Meeqqanik, inuusuttunik inersimasunillu sanngiiffilinnik sullissinitsinni, ilinniagalittut immitsinnut paariitigaluta, uatsinnik atassuteqarnissamik pisariaqartitsisinnaasut inissaqartissinnaajumallugit, tapersersorsinnaajumallugit "sianiuteqarfitsinnillu atukkissinnaajumallugit", sapinngisamik pitsaanerpaamik oqimaaqatigiissaarinissarput pingaaruteqarluinnarpoq.

Takoqqinnissatsinnik neriorsogatiinnginnitsinni, ilinniartitaanikkut ilikkagaqarnissat ukkatissavarput siunissamilu ilisimalikkavit ilikkakkavillu qanoq atorsinnaanissaat



sammissallugu.

Ilaqutariinnut siunnersortitut ilinniartitaaneq naggaserlugu, ilinniartitaanermi sammisaq nammineq toqqakkat aallaavigalugu isumaliutersuutinnik allakkiussaatis (immikkut nassuiaat takuuk).

Ilinniartitaaneq nalliuttorsiornermik soraarummeernermilu allagartanik tunniussinermik naggasissavarput.